

Вольбы
до органів самосправных країв

Інформації про воліча

I

Датум і час волеб

Вольбы до органів самосправных країв будуть
в суботу 4. новембра 2017 од 7:00 до 22:00 години

II

Право волити

Право волити до органів самосправных країв мають обчан Словацькой републіки і чужінець, котрого місце стабільного бываня належить до території самосправного краю або мають місце стабільного бываня у воєнськїм обводї, котрый односно волеб до органів самосправного краю спадать до єго території (дале лем „жытель самосправного краю“) і найпізніше в день волеб досяг 18 років віку.

Конфліктом з правом волити є:

- законне окліщїня особной слободы выпливаюче з охрани верейного здравя,
- заарештованя за барз важный злочїн.

III

Право быти воленым

За посланця заступительства самосправного краю може быти зволений жытель самосправного краю, котрого місце стабільного бываня належить до території самосправного краю або мають місце стабільного бываня у воєнськїм обводї, котрый належить до території волебного обводу в котрім кандїдує, і найпізніше в день волеб досяг 18 років віку.

За председу самосправного краю може быти зволений жытель самосправного краю, котрый найпізніше в день волеб досяг 25 років віку.

Конфліктом з правом быти воленым є:

- заарештованя,
- правоплатне одсуджїня за напланованый крїмінальный чїн, покы одсуджїня не было заглажене,
- однятя способности робити правны діла.

IV

Способ голосованя

Воліч може волити лем в селї/містї свого стабільного бываня у волебнїм раєнї, в списку котрого є записаный.

Воліч по вступї до волебной містности є повинный превказати обводнїй волебнїй комісії свою тотожность обчаньсков легїтімаціов або документом о перебуваню чужїнця.

Потім обводна волебна комісія закружує число воліча в списку волічів і видасть волічови два листы на голосованя - лист на голосованя на вольбы до заступительства і лист на голосованя на вольбы председа самосправного краю і порожню копертку з уряднов печатков села (міста або містьской части). **Перевзятя листів на голосованя і копертки потвердить воліч у списку волічів властноручным підписом.**

Каждый воліч повинен піти перед голосованём до выдѣленой части містности, в котрій може управити лист на голосованя. Волічови, котрый не вступить до того простору, обводна волебна комісія не доволить голосовати.

На листі на голосованя при вольбах до заступительства може воліч закружовати найвеце тільки чисел кандидатів, кільки посланців мать быти в данім волебнім обводі зволеных. (Число посланців, котре ся волить у волебнім обводі, є уведжене на листі на голосованя.)

На листі на голосованя при вольбах председа може воліч закружовати число лем єдного кандидата.

У части выдѣленій на управу листів на голосованя вложить воліч до копертки єден лист на голосованя при вольбах председа самосправного краю. Воліч голосує так, же як одыйде з выдѣленой части містности, котра служить на управу листів на голосованя, вложить копертку до волебной урны.

На пожадана воліча обводна волебна комісія му выдасть за неправилно управлены листы на голосованя іншы. Неправилно управлены листы на голосованя воліч вложить на місто выдѣлене на одложія несхоснованых листів на голосованя.

Воліч, котрый не може сам управити лист на голосованя із здравотных причін або зато, же не може читати ці писати і перед голосованём поінформує о тім факті обводну волебну комісію, має право взяти із собов до выдѣленой части на управу листів на голосованя іншу способну особу, жебы подля ёго інструкцій управила лист на голосованя і вложила го до копертки. Обидві особы перед вступом до выдѣленой части на управу листів на голосованя член обводной волебной комісії поучить о способі голосованя, о основі трестного skutку маріня приправы і ходу волеб. Членове обводной волебной комісії не сміють волічам управлѣвати листы на голосованя.

Місто воліча, котрый не може із здравотных причін сам вложити копертку до волебной урны, може ю до нѣй на ёго жадость і в ёго притомности вложити інша особа, але не член волебной комісії.

Воліч, котрый не може прийти до волебной містности із важных, главно здравотных причін, має право пожадати обводну волебну комісію голосовати до переносной волебной урны, а то лем на теріторії волебного обводу, про котрый была обводна волебна комісія створена.

Воліч повинен одложити несхоснованы листы на голосованя або неправилно управлены листы на голосованя до запечатованой ладічки на несхоснованы або неправилно управлены листы на голосованя, інакше ся допустить переступліня, за котре дістане покуту 33 евра.